

保嬰易知錄下

保赤彙編九

陽湖吳甯瀾浴堂

胎疾類

初生不啼

或氣閉不通。或難產勞傷胎氣。或天時寒冷所致。謂之夢生。

心鑑云。切不可斷臍。以綿衣包兒。離胞寸許。用苧

麻紮緊臍帶。將紙條蘸麻油點火。於臍帶上緩

緩薰燒。俟煖氣入臍。氣回能啼。方可斷也。

又云。將陳蘄艾灸臍帶上。煖氣透腹。卽生。

尊生書云。用煖臍法。氣已入腹。取壹貓。用青布裹

頭目。令一伶俐婦人。拏住貓頭。向兒耳邊。以口咬破貓耳。貓大叫一聲。兒卽醒矣。

外臺秘要云。由於難產少氣也。取臍帶向身。却將之。令氣入腹。仍以本生父母真氣度之。

事急方。有因口噤不能出聲者。急看兒口內上腭。

齒齦舌上下。如法刺之。刮之。令淨。

詳見上卷挑口法

三因方云。以葱白細鞭背上。卽啼。此法似不如葱湯洗其腹。就以熟葱熨其背也。

大生要旨云。有因肛門爲脂膜所塞。閉住兒氣。故不能出聲者。以金銀玉簪脚。輕輕透破脂膜。卽能出聲。以油紙撚套住。免其再合。參看肛門內。

各條。

初生無皮

胎中熱毒也。其症有三。審因而治之。

清涼膏。治父母霉毒遺害。兒上半身。或下半身。赤

爛。甚至皆黑者。或非因霉毒。由胎中蘊熱所致。

者。敷之皆效。石灰肆兩。未經水濕成塊者。用水

泡之。沒指半許。露一宿。面有浮起如雲片者。輕

輕取之。微帶清水。視其多寡。對小磨香油亦如

之。順攪成膏。爲度。用鷺翎搽之。

鷺黃散。生黃柏。熟石膏。各等分。研細末。加珍珠粉

尤效。濕則乾摻。乾則用猪膽汁調敷。

米粉撲法。治月分不足。遍身浸漬紅嫩而光。亦有面白肢冷不燃赤者。早稻白米研細粉。時時撲之。

生肌散。人參、黃芪、珍珠粉各等分。時時撲之。伏龍肝散。以伏龍肝研細末。雞子白調搽之。本草方。治母處高樓。不沾地氣所致者。車轆上土。研細撲之。或用淨黃土和黃柏敷之。或掘土坑臥宿。卽生皮。

醫通方。夏月臥兒水芭蕉葉上。

不乳

兒初生卽不吮乳。細看兒口中。照挑口法治之。再議

與藥

慎齋方。治牙關不開。不吮乳者。其噤在齒根也。南

星炙研片。腦少許。二味和勻。指染薑汁。栢葉汁。

和藥擦牙根。卽開。如不效。用秘方吹鼻法。

聖惠方。治能吮乳而不能咽者。其噤在咽中也。水

銀米粒大。與之咽下。卽愈。按此方不可輕用

又方。葛蔓燒灰。壹字。和乳點之。卽瘥。

卽得方。治兒腹中胎糞未下。腹滿氣促。嘔吐不乳。

汞粉伍分。研細。蜜少許。溫水調化。徐徐與之。按此

方不可輕用

青蒿丸

見大治方內



良方。小兒熱毒內閉。數日不乳。用活蚌剖開取水。

參肆茶匙服之。

取蚌水法見重勝

陳文中方。治兒母過食寒涼。胎受其氣。令兒吐乳多啼。面色青白。丁香拾枚。陳皮去白。壹錢。乳汗壹盞。石器煎一二十沸。細細與服。

目不開

胎中熱毒蘊于兒脾。眼胞屬脾。其脈絡緊束。故不能開也。

心鑑方。熊膽黃連各少許。滾湯淬洗。一日七八次。

如無熊膽將黑羊膽青魚膽代

又方。川芎薄荷樸硝各壹錢。爲細末。以少許吹鼻。

中

幼幼新書。甘草壹截。以猪膽汁炙透。研爲末。每用米泔水調少許灌之。

生地黃湯。乾地黃、赤芍、當歸、瓜蒌根各壹錢。川芎

甘草各伍分。燈心叁拾寸。煎湯與兒服之。

又方。治目不開。或出血。蒼朮貳錢。入猪膽汁中。紮

煮。將藥氣熏眼。後更嚙汁與服。

丹溪方。以燈心、黃連、秦皮、木賊、紅棗各伍錢。水壹

盞。煎澄清。頻洗而開。

吐不止

初生吐不止。古法指謂穢惡下咽。用鎮墜之品。恐非

臟腑柔嫩者所宜。受病之源非一。當審其因以治之。
大。全。方。治。咽。穢。腹。滿。而。痛。者。莢。朮。少。許。鹽。壹。棗。豆。
大。以。人。乳。壹。合。煎。三。五。沸。去。滓。入。牛。黃。兩。粟。大。
服。之。甚。效。
醫。藥。入。門。黃。連。枳。殼。赤。茯。苓。等。分。爲。末。乳。汁。調。灌。
之。又。方。木。瓜。生。薑。煎。湯。灌。之。
湯。氏。方。治。觸。冒。風。邪。鼻。塞。多。啼。者。全。葱。白。叁。枚。紫。
蘇。莖。壹。錢。生。薑。壹。大。片。人。乳。兩。合。煎。沸。去。滓。飲。
之。

黃。連。二。陳。湯。治。胎。前。受。熱。面。黃。赤。手。足。溫。口。吐。黃。
涎。酸。黏。者。製。半。夏。陳。皮。茯。苓。各。等。分。甘。草。黃。連。

各參分。加生薑水煎服。

聖惠方。田中地龍糞壹兩。研末。空心以米湯下之。

三服效。加木香參錢。大黃伍錢。尤效。按木香九酌減大黃

宜慎

陳文中方。治胎前受寒。面清白。四肢冷。口吐清稀。

白沫者。方見不乳

得效方。治乳積吐。用大麥芽伍錢。生薑壹片。人乳。

煎沸飲之。

燒針丸。治吐乳痰壅者。用黃丹研末。小棗和丸如。

芡實大。鍼簽于燈上燒過。研細末。乳汁調服。一。

方加硃砂。枯礬等分。

不小便

胎受熱毒之氣。流於下也。內服外敷。小便自通。若生而臍腹腫脹。臍四旁有青黑色。及撮口者不治。

豆豉膏。豆豉壹勺。田螺拾玖箇。葱壹大束。同搗爛。

用水芭蕉汁。調敷臍上。或將陳大麥芒壹掬煎

湯飲。

按麥芒須濾淨

蒜螺敷法。兼治水腫臍脹。大田螺肆箇。大蒜伍箇。

車前子貳叁錢。麝香少許。前三味同研。後入麝

香。再研爲餅。每用壹箇貼臍中。將膏藥護之。半

日許。服白馬通壹大盃。立通。

按馬尿曰通

又方。白鳳仙連根帶葉熬水。乘熱浸洗外腎兩胯。

立通。

單方。葱連鬚壹大束。搗爛。加麝香少許。分作貳包。更換熨臍下。

加味導赤散。細生地黃叁錢。細木通壹錢。生甘草

叁分。黃連叁分。飛滑石貳錢。赤茯苓貳錢。淡竹

葉念張。燈心伍拾寸。水煎服之。

按分兩宜酌減

慎齋全書。兼治不乳。葱白切肆片。乳汁半盃。瓦器

內同煎沸。分肆服飲之。

又方。地龍數條。去泥和蜜研敷陰莖上。內用蠶退

紙燒灰。入硃砂。龍腦。麝香。各壹分。共研細末。用

麥冬。燈心湯。食前調服。

按分兩宜酌減

全幼心鑑。車前子搗汁。入蜜少許灌之。內鮮車前

子尤

又方雄黃牛尿滴毛數拾根煎湯壹盃飲之。

藥性論安鹽少許於臍中以艾灸之。

雷公方見臍突

不大便

兒生三四日不大便者。名曰鎖肚。乃胎中受辛熱之毒。氣滯不通也。其兒必面赤腹脹。不乳多啼。急用口

哕法再議與藥。

口哕法。令婦人以溫水漱口。哕兒前後心手足心並臍共七處每處哕三次。以得見紅色爲度。

熨臍法。用連根葱壹莖。生薑壹塊。淡豆豉貳拾粒。

鹽壹小匙。同研爛。捏作餅子。貼臍中。烘熱熨之。

用絹紫定。良久氣透自通。

田氏方。先以硬葱絰入肛門內。如不下。用硃砂水。

飛。南星炮。巴豆霜。各等分。共爲糊丸。黍米大。薄。

荷煎湯。灌下參丸。

心鑑方。枳殼煨去穰。參錢。甘草稍壹錢。以水煎服。

必效方。治大小便不通。腹脹欲死。急用白頸蚯蚓。

搗爛。敷臍上。空臍孔不敷。半時許。取白馬屎和。

水絞取汁。灌之立通。

青蒿丸

見大治方內

備驗方

見臍風

大小便不通

胎中熱毒之甚也。急用前口嘔五心臍下法。若延至七日不治。

外臺秘要。猪苓壹兩。以水少許。煮雞屎白壹錢。調

服。亦治小便不通

經驗方。真麻油壹兩。皮硝少許。同煎滾。冷定。徐徐

灌之。

又方。輕粉叁分。蜜少許。溫水化開。時與少許。亦治大便

不通

立效方。大黃酒浸。鄒李仁去皮研各壹錢。滑石末

壹兩。鴉和丸。黍米大。日服伍丸。開水下。亦治大便不通

青蒿丸

紫霜丸

俱見大治方內

以上三症諸方參看擇用

肛門內合

其症有二。或因熱毒太盛。壅結肛門。穀道有孔者。急服黑白散。外以手輕輕拍之。或為脂膜遮瞞。無隙可通者。先以鉛刀。或金玉簪。刺破脂膜。急以油紙燃插入隔之。不令再合。或納蘇合丸導之。

黑白散

蘇合丸

俱見大治方內



預防口噤撮口臍風三症及治之宜急論

小兒初生三急症。曰口噤。曰撮口。曰臍風。皆惡候也。症雖有三。病源則一。此症發於一臟之內者。方書雖有治療之法。究竟百無一生。其致病之由。總在於臍。臍者在兩腎之間。與命門相通。乃人之根蒂也。衝任胃脈皆起於臍下。任脈自中而上。至于人中。與腎脈合。衝脈二道夾任脈而上。散於舌下。與脾脈合。胃脈二道又夾任脈而上。入於齦中。上下往來如環無端。小兒初生三脈方具。而臍爲三脈之門戶。干係尤重。所以斷臍之時。不可不慎。或剪臍帶太短。或結縛不固。致外風侵於臍中。或用鐵器斷臍。爲冷氣所侵。或

浴時牽動。水濕灌入生瘡。客氣乘虛而入。內傷於腎。腎傳肝。肝傳心。心傳脾。脾傳肺。肺蘊蓄其毒。發爲臍風等症。面赤啼哭者。心病也。手足微搐者。肝病也。唇青口撮。痰涎壅塞者。脾病也。牙關緊閉者。腎病也。啼聲不出者。肺病也。五症之中。畧見一二症者。病猶可治。悉見萬無活理。若能預防於未發之時。急治於將發之際。尚可挽回萬一。凡小兒墮地。視其臍帶軟者。無病。如臍帶硬直者。卽有臍風也。或浴後綳裹停當。卽噴嚏連連者。或臍下發出青筋。或赤筋一道上行者。或大便熱者。一有見端。卽爲將發之候。急抱兒向明處。視其口中。或上腭有泡。或齒根有白點。或有黃